



## 掘塗豆

佇四、五十年前，塗豆、番薯是澎湖主要的農作物，種幾千栽、幾萬栽是真正常的工課。一條囡仔歌按呢寫：「塗豆開花釘落塗，臺灣查某嫁澎湖；嫁來澎湖真艱苦，全食塗豆配番薯籩。」澎湖屬旱地，每年六月天七月火，燒山炎火，正是塗豆收成的時陣，這個時陣也是阮囡仔歇熱的時。

天拄拍晡光，阿母就牛車牽咧，載阮這幾個囡仔去山裡掘塗豆。坐佇牛車頂，目矦沙微仔沙微，就 khìh-khòk-khìh-khòk，碇到園裡。阿母先牽牛衝塗豆藤，親像咧共塗豆剃頭，目矦仔久規園就清氣溜溜。阮囡仔綴後壁共塗豆藤捎規埕，準備剝塗豆。閣共剝好的塗豆藤披披咧，曝予焦，通好縛做一捆一捆，疊做草埕，通做牛的草糧，也會使提來燃火。

阿媽也綴尾後，擔一擔雞來山裡放。雞隨放出籠就 ku、ku、ku、ku，就四界捅、四界從，恰牛比賽走相逐，規園攏是個的運動埕。阿媽共菜豆挽挽咧，就倒去煮食，等一下閣著擔飯來予阮食晝。

「嗨！哦！」這是阿母咧犁園的時，叫牛所喝的號令。「嗨！」較短聲，貫牛鼻的索仔愛掙一下，叫牛開始行；「哦！」較長聲，索仔愛摸絀，叫牛停落來，這是個溝通的方式。阿母共塗豆藤衝過了後，閣愛犁塗底一遍，阮才開始擰耙仔掘塗豆。大人一擺掘雙逝，共落佇塗底的塗豆拈起來，囡仔一人一逝。我逐遍掘攏是面頭前一埕山，予阿母笑我預顛。原來掘塗豆是有撇步的，共塗掘對雙片，頭前就袂有一埕山矣。小妹目色好，跤手扭掠，掘甲有勢有面，定定予阿母呵咾。

塗豆的生長恰人全款，親像國小階段，塗豆叫做茈奶仔，國中就叫做花二的，高中就叫做青殼的，大學叫做飽仁的，繼落來是白膜，閣再來三、四十歲的叫做紅膜的，四、五十歲的叫做落底的，六、七十歲的叫做做種的，這就是塗豆的一生。

較早糶塗豆仁愛掘、曝、擘真厚工。這馬逐家愛食白膜塗豆，為著欲好收成，逐家開始較早種作，開井沃塗豆，完全免綴時辰咧行，加真快活。囡仔歌就改做「塗豆開花釘落塗，臺灣查某嫁澎湖；嫁來澎湖有夠好，一日食飽顧迢迢」。

作者：陳瑪莉

### ☆詞彙學習☆

【栽】tsai：樹木的幼苗。

【拍晡光】pah-phú-kng：黎明。

【沙微】sa-bui：眯眼。眼睛微微閉合。本詞日常重疊使用。

【埕】pû：堆。計算成堆東西的單位。

【捅】thóng：啄。

【從】tsông：慌亂奔忙。

【倒去】tò--khì：回去。

【食晝】tsiàh-tàu：吃中飯、吃午飯。

【貫】kng：穿過、鑽過。

【掙】sut：鞭打、甩打、抽打。

【扭掠】liú-liàh：形容手腳快、動作敏捷。

【茈】tsinn：幼、嫩、未成熟的。

【飽仁】pá-jîn/pá-lîn：豆類的果實飽滿。

【糶】thiò：賣出穀物。